

Sarajevo, 29. 07. 2021. godine

Na osnovu člana 69. stav (3) i 70. stav (4) Zakona o javnim nabavkama („Službeni glasnik BiH“ br. 39/14), te člana 41. Statuta preduzeća, u postupku javne nabavke br. 112/20 „Ležajevi i semerinzi“ donosi se:

O D L U K A

o otkazivanju postupka javne nabavke

Član 1.

Otkazuje se postupak javne nabavke broj 112/20 za nabavku roba: „Ležajevi i semerinzi“, zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke u skladu sa članom 69. stav (3) Zakona o javnim nabavkama.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web stanici: www.viksa.ba, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama i stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : OP 112/20 od 02.11.2020. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 40.000,00 KM.

Obavještenje o nabavci broj : 247-1-1-185-3-327/20 poslato je na objavljivanje na Portal javnih nabavki dana 16.11.2020. godine, a sažetak obavještenja o nabavci objavljen je u Sl. glasniku BiH broj : 75. od 20.11.2020. godine.

Za predmetnu javnu nabavku dostavljene su tri (3) ponude ponuđača:

1. Ponuđač: „Fibex“ d.o.o. Sarajevo
2. Ponuđač: „Riket“ d.o.o. Sarajevo
3. Ponuđač: „CLK Interpromet“ d.o.o. Doboj Istok

Nakon izvršenog otvaranja ponuda Komisija je dana: 09.12. 2020 godine pristupila pregledu i ocjeni pristiglih ponuda u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljene ponude ponuđača „Fibex“ d.o.o. Sarajevo; „Riket“ d.o.o. Sarajevo i „CLK Interpromet“ d.o.o. Doboj Istok ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponudač		
		„Fibex“ d.o.o. Sarajevo	„Riket“ d.o.o. Sarajevo	„CLK Interpromet“ d.o.o. Doboj Istok
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA	DA	DA
2.	Tačka: 14.1. TD: Izjava o ispunjenosti uslova iz člana 47. st. (1) tačka a) i (4) Zakona o javnim nabavkama - Aneks V; Prilog 4.	DA	DA	DA
2.1.	Tačka: 14.1. TD: Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA	DA	DA
3.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA	DA

Ponuđači „Fibex“ d.o.o. Sarajevo i „CLK Interpromet“ d.o.o. Doboj Istok u dostavljenim Izjavama iz čl. 45. i 47. ZJN nisu naveli broj Službenog glasnika BiH. Prema mišljenju Komisije nepopunjavanje broja Službenog glasnika BiH u Izjavama iz čl. 45. i 47. ZJN. u konkretnoj nabavci ne predstavlja nedostatak zbog kojeg bi ponude navedenih ponuđača trebale biti odbačene jer imajući u vidu da se iz sadržaja izjava nesporno utvrđuje da se iste odnose na predmetni postupak nabavke, te da su iste uredno potpisane i ovjerene, a također je upisan tačan broj obavještenja, naziv predmeta nabavke kao i naziv ugovornog organa.

Komisija konstatuje da ponuđači, „Fibex“ d.o.o. Sarajevo; „Riket“ d.o.o. Sarajevo i „CLK Interpromet“ d.o.o. Doboj Istok ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Ostala zahtijevana dokumentacija/aneksi-prilozi	Ponudač		
		Fibex“ d.o.o. Sarajevo	„Riket“ d.o.o. Sarajevo	„CLK Interpromet“ d.o.o. Doboj Istok
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA	DA
2.	Tačka: 16.TD pod 1: Obrazac za ponudu – Aneks II; Prilog 1.	DA	DA	DA
2.1	Tačka: 16.TD pod 1.1.: Popis dokumenata uz ponudu koji čini sadržaj ponude – Aneks II; Prilog 1	DA	DA	DA
3.	Tačka: 20 TD: Obrazac za cijenu ponude – Aneks III; Prilog 2	DA	Izvršene ispravke koje nisu u skladu sa TD	DA
4.	Tačka: 16.TD pod 7.1 - Katalog ponuđenih roba, (potrebno je da ponudač u katalogu označi pozicije iz specifikacije tj. da svaka definisana pozicija iz tehničke specifikacije bude u ponuđenom katalogu označena brojem pozicije iz specifikacije). Napomena: Katalog se prilaže bez prevoda.	DA	----	DA
5.	Tačka 31 i 36 TD: Nacrt okvirnog sporazuma – Prilog 7.	DA	---	DA
6.	Tačka: 31 i 37 TD: Nacrt ugovora o javnoj nabavci – Prilog 8.	DA	---	DA
7.	Tačka: 43 TD: Povjerljive informacije – Prilog 6.	DA	----	DA

Ponuđači „Fibex“ d.o.o. Sarajevo i „CLK Interpromet“ d.o.o. Doboj Istok u dostavljenoj Izjavi iz čl. 52. ZJN nisu naveli broj Službenog glasnika BiH. Prema mišljenju Komisije nepopunjavanje broja Službenog glasnika BiH u Izjavi iz čl. 52. ZJN u konkretnoj nabavci ne predstavlja nedostatak zbog kojeg bi ponuda trebala biti odbačena jer imajući u vidu da se iz sadržaja izjave nesporno utvrđuje da se ista odnosi na predmetni postupak nabavke, te da je ista uredno potpisana i ovjerena, a također je upisan broj obavještenja, tačan naziv predmeta nabavke kao i naziv ugovornog organa.

Pregledom ponude ponuđača „Riket d.o.o. Sarajevo, konstatovano je da je isti u dostavljenom Obrascu za cijenu ponude – Aneks III; Prilog 2, izvršio više ispravki koje nisu u skladu sa zahtjevima iz tenderske dokumentacije tačka 17.1.5 „Ispravke ponude“.

Navedene ispravke su urađene na strani br. 14 ponude za stavku po rednim brojem 20 u koloni 7 „Ekvivalent“, gdje je koristio korektor; na strani br.16 ponude, za stavku pod rednim brojem 25 u koloni 7 „Ekvivalent“, ponudač je uradio ispravku na način da su ranije upisana slova prepravljena u nova te su kao takva i nerazumljiva, na strani br.19 ponude, za stavku pod rednim brojem 34 u koloni 14 „Konačna ukupna vrijednost u KM bez PDV-a“, ponudač je uradio ispravku na način da je raniji broj prepravljen u novi broj, na strani br.20 ponude, za stavke pod rednim brojem 37 i 38 u koloni 4 „Proizvođač i zemlja porijekla“, ponudač je uradio ispravku na način da je izvršio podebljavanje ranije upisanih slova ; na strani 37 ponude za stavku po rednim brojem 82 u koloni 6 „Kataloška oznaka“ gdje je koristio

korektor i preko njega stavio crtu, na strani br.40 ponude, za stavku pod rednim brojem 116 u koloni 14 „Konačna ukupna vrijednost u KM bez PDV-a“;“, ponuđač je uradio ispravku na način da je upisani broj podebljan i prepravljen u novi broj; na strani br.41 ponude, za stavku pod rednim brojem 118 u koloni 14 „Konačna ukupna vrijednost u KM bez PDV-a“;“, ponuđač je uradio ispravku na način da je upisani broj podebljan i prepravljen u novi broj.

Komisija konstatuje da izvršene ispravke nisu urađene u skladu sa postavljenim zahtjevima iz tačke 17.1.5 tenderske dokumentacije „Ispravke u ponudi“, koja jasno i precizno definiše način vršenja ispravki i to: Ukoliko ponuđači vrše **ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke**, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).

Napomena: Ukoliko ponuđač prilikom pripremanja ponude napravi ispravku, istu ispravlja na način da navedene podatke prekriži, ali da isti ostanu vidljivi, zatim navodi nove podatke i iste potvrđuje potpisom i datumom izvršene ispravke.

Obzirom na navedeno, komisija konstatuje da ponuda ponuđača „Riket“ d.o.o. Sarajevo ne ispunjava zahtjeve ugovornog organa tražene tenderskom dokumentacijom, te se ponuda ovog ponuđača u skladu sa odredbama članom 68. stav (4) tačka i) Zakona o javnim nabavkama odbacuje kao neprihvatljiva i ista nije predmet daljeg razmatranja.

Komisija konstatuje da su ponuđači „Fibex“ d.o.o. Sarajevo i „CLK Interpromet“ d.o.o. Doboj Istok dostavili ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da su navedeni ponuđači ispunili sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Takođe je konstatovano da su ponude ponuđača, „Fibex“ d.o.o. Sarajevo i „CLK Interpromet“ d.o.o. Doboj Istok potpisane od strane podnosioca ponude i ovjerene pečatom ponuđača, te imaju broj i datum.

Računskom kontrolom specifikacija ponuda ponuđača „Fibex“ d.o.o. Sarajevo i „CLK Interpromet“ d.o.o. Doboj Istok konstatovano je da u navedenim ponudama ponuđača nema grešaka računске prirode.

Konstatovano je da su ponuđači, „Fibex“ d.o.o. Sarajevo i „CLK Interpromet“ d.o.o. Doboj Istok nisu dostavili Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

Od strane Komisije za javne nabavke konstatovano je da su prihvatljive ponude slijedećih ponuđača:

RB.	Ponuđač	Početna cijena ponude u KM bez PDV-a
1.	„Fibex“ d.o.o. Sarajevo	39.717,50
2.	„CLK Interpromet“ d.o.o. Doboj Istok	39.987,95

E-aukcija je u sistemu e-nabavke zakazana na dan 04.01.2021 godine u 10:00:00 sati.

Iz izvještaja o toku i završetku e-aukcije, koji je preuzet iz sistema e-nabavke, je vidljivo da je e-aukcija trajala od 10:00:00 sati do 10:47:00 sati.

Izvještaj o toku i završetku e-aukcije sadrži i konačnu rang listu ponuđača kako slijedi:

RB.	Ponuđač	Konačna cijena ponude u KM bez PDV-a
1.	„Fibex“ d.o.o. Sarajevo	25.280,00
2.	„CLK Interpromet“ d.o.o. Doboj Istok	25.320,29

Za najpovoljniju ponudu ocijenjena je ponuda ponuđača „Fibex“ d.o.o. Sarajevo, te je Komisija jednoglasno dala prijedlog Ugovornom organu da za nabavku roba: „Ležajevi i semerinzi“ – tender broj 112/20 donese Odluku o dodjeli ugovora ponuđaču: „Fibex“ d.o.o. Sarajevo, broj ponude: 154/20 od 01.12. 2020. godine, kao prvoplasiranom na rang listi, čija vrijednost ponude iznosi: 25.280,00 KM bez PDV-a..

Iz gore navedenih razloga, ugovorni organ je prihvatio preporuku komisije i primjenom odredbi člana 64. stav (1) tačka b) Zakona o javnim nabavkama („Službeni glasnik BiH“ br. 39/14), donesena je Odluka o izboru najpovoljnijeg ponuđača i ista je putem e-maila dana 22.01.2021. godine dostavljena svim ponuđačima u postupku.

Dana 01.02.2021. godine, (putem protokola ugovornog organa broj 612), a nakon izvršenog uvida u ponude, zaprimljena je žalba žalitelja „CLK-Interpromet d.o.o. Doboj Istok, na Odluku o izboru najpovoljnijeg ponuđača broj 112/20 od 22.01.2021. godine koja je dostavljena svim učesnicima u postupku dana: 22.01.2021.godine.

Ugovorni organ, smatrajući da su svi istaknuti žalbeni navodi neosnovani, dostavlja žalbu zajedno sa izjašnjenjem na žalbu i kompletnom dokumentacijom Uredu za razmatranje žalbi na odlučivanje po žalbi.

Ured za razmatranje žalbi BiH, Filijala/Podružnica Mostar, je dana 01.04.2021. godine donio Rješenje broj JN2-03-07-1-378-8/21 kojim se usvaja žalba žalitelja „CLK-Interpromet d.o.o. Doboj Istok, poništava se Odluka o izboru najpovoljnijeg ponuđača, broj 112/20 od 22.01.2021. godine, te se predmet vraća ugovornom organu na ponovni postupak.

Postupajući u skladu sa navedenim rješenjem Ureda za razmatranje žalbi BiH, Komisija za javne nabavke je pristupila ponovnom pregledu i ocjeni dostavljenih ponuda, te konstatovala sljedeće:

Komisija za javne nabavke je prilikom ponovnog pregleda pristiglih ponuda koje su okarakterisane kao formalno-pravno i tehnički prihvatljive konstatovala da u fazi pripreme tenderske dokumentacije ugovorni organ nije uvidio da je učinjena greška prilikom izrade tehničke specifikacije a koja bi omogućila aktivnu i pravičnu konkurenciju ponuđača. Prilikom pripreme tenderske dokumentacije i do perioda prijema ponuda, ugovorni organ je je bio u zabludi u pogledu greške. U konkretnom slučaju radi se o koloni " Proizvođač, zemlja porijekla" gdje su ponuđači prilikom popunjavanja navedene kolone istu shvatili na različite načine što je samim time dovelo i do popunjavanja različitih podataka na osnovu čega ugovorni organ nije mogao niti može ispravno pregledati ponude ponuđača. Poželjno je bilo da se prilikom preuzimanja tenderske dokumentacije od strane učesnika u postupku tražilo pojašnjenje tenderske dokumentacije te bi u tom slučaju ugovorni organ mogao na vrijeme izmijeniti tendersku dokumentaciju, otkloniti nejasnoće te uspješno okončati postupak i dodjeliti ugovor.

Kako bi se izbjegle eventualne nedoumice prilikom odabira najpovoljnijeg ponuđača i realizacije Ugovora, komisija predlaže da se postupak otkáže.

Iz gore navedenih razloga Komisija za javnu nabavku konstatuje da su ispunjeni zakonski uslovi iz člana 69. stav (3), Zakona o javnim nabavkama („Službeni glasnik BiH“, br. 39/14 od 19.05.2014.godine) za otkazivanje postupka javne nabavke, te jednoglasno daje prijedlog Ugovornom organu – ovlaštenom licu ugovornog organa da za predmetnu nabavku roba: – „Ležajevi i semerinzi“- tender broj 112/20 donese Odluku o otkazivanju postupka javne nabavke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :
- Ponuđači
- a/a



v.d. Direktor

Aida Pendek, dipl.ing.građ.